



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2653, datë 17.12.2015

Për

“Miratimin e dokumentit “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare””

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Anila	Denaj	Anëtar
4. Znj. Ketrin	Topçiu	Anëtar
5. Znj. Klarina	Allushi	Anëtar

dhe sekretare Znj.Marsida Drushku, në mbledhjen e datës 17.12.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

Miratimin e dokumentit “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare”.

BAZA LIGJORE:

1. Pika 10 e nenit 9 dhe neni 38, të Ligjit Nr. 46, datë 7.5.2015 “Për shërbimet Postare në Republikën e Shqipërisë” (**ligji nr. 46/2015**);
2. Pika 3 e nenit 114 të Ligjit Nr. 9918, datë 19. 05. 2008 “Për Komunikimet Elektronike në Republikën e Shqipërisë” i ndryshuar (**ligji nr. 9918**);
3. Ligji nr. 8485, datë 12.05.1999 “Kodi i Procedurave Administrative” i ndryshuar (**ligji nr. 8485**);

4. Rregullore e brendshme e AKEP, miratuar me Vendim nr.2506, datë 30.10.2014 të Këshillit Drejtues të AKEP;
5. Udhëzuesi “Për procedurat e Këshillimit Publik”, miratuar me Vendim nr.1183, datë 10.03.2010 të Këshillit Drejtues të AKEP.

K Ë SH I L L I D R E J T U E S:

Nga shqyrtimi i materialit shkresor, të përbërë nga:

1. Relacioni shoqërues i Projekt-Vendimit (*Relacioni*);
2. Dokumenti “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare”;
3. Dokumenti “Qëndrimi i AKEP për komentet e dërguara gjatë këshillimit publik”;
4. Shkresa nr.4255, datë 02.12.2015, (Prot. në AKEP me nr.2159, date 04.12.2015) e Ofruesit të Shërbimit Universal - Posta Shqiptare sh.a;
5. Komente të Ofruesit të Shërbimit Postar - DHL International Albania dërguar me email në adresën info@akep.al në datë 27.11.2015 (Prot. në AKEP me nr.1254/24, date 10.12.2015);
6. Projekt vendimi i formatuar dhe arsyetuar,

Si dhe duke j’u referuar diskutimeve në mbledhje mbi çështjen, bazës ligjore të sipërcituar,

V Ë R E N:

1. Ligji Nr. 46/2015, 2015 “Për shërbimet Postare në Republikën e Shqipërisë” është miratuar nga Kuvendi i Shqipërisë më datë 7.05.2015. Ky ligj zëvendëson Ligjin nr. 8530, datë 23.9.1999, “Për shërbimin postar në Republikën e Shqipërisë”, i ndryshuar.
2. Bazuar në përcaktimet e ligjore të mësipërme, AKEP me Urdhërin nr. 1482, datë 23.06.2015, ka ngritur një Grup Punë për përgatitjen e kuadrit rregullator të shërbimeve postare sipas Ligjit 46/2015. Grupi i Punës ka përgatitur “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare” për këshillim publik me palët e interesuara. Dokumenti i përgatitur ka si objekt të krijojë kuadrin rregullator për përmbushjen e kërkesave ligjore të pikes 10 te nenit 9, dhe nenit 38 të Ligjit 46/2015.
3. AKEP me Vendimin nr. 2628, datë 29.10.2015 miratoi nxjerrjen në këshillim publik të dokumentit “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare”. Dokumenti u publikua në faqen e internetit të AKEP dhe këshillimi publik u krye në periudhën 29.10.2015 deri 29.11.2015.
4. Në fund të procesit të këshillimit publik, AKEP depozitoi komente për palët e interesuara nga Ofruesi i Shërbimit Universal Postar - Posta Shqiptare sh.a. me shkresën nr.4255, datë 02.12.2015, (Prot. në AKEP me nr.2159, date 04.12.2015) dhe Ofruesit të Shërbimit Postar - DHL International Albania dërguar me email në adresën info@akep.al në datë 27.11.2015 (Prot. në AKEP me nr.1254/24, date 10.12.2015).
5. Grupi i Punës i ngritur në AKEP ka shqyrtuar dhe marrë në konsideratë sipas rastit komentet e palëve të interesuara, të cilat janë paraqitur në dokumentin Qëndrimi i AKEP mbi komentet e dërguara për dokumentin e nxjerrë në këshillim publik, duke reflektuar

ndryshime në dokumentin përfundimtar “Rregullore për Autorizimin e Përgjithshëm për Ofrimin e Shërbimeve Postare”.

6. Dokumenti përfundimtar i përgatitur pas këshillimit publik “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare”, synon të plotësojë kuadrin ligjor dhe përmban përcaktime në lidhje me:
 - a) Procedura dhe kushtet e plotësimit dhe dërgimit të të dhënave statistikore postare;
 - b) Verifikimi dhe përdorimi i të dhënave;
 - c) Formularët që duhet të plotësohen me të dhënat e kërkuara dhe dërgohen në AKEP nga ofruesit e shërbimeve postare.
7. Të dhënat statistikore postare dhe financiare periodike të përcaktuar në këtë rregullore, do të shërbejnë për grumbullimin, evidentimin dhe përdorimin e të dhënave statistikore dhe financiare mbi shërbimet postare, për të nxjerrë përfundimet e nevojshme për analizën dhe tendencat e zhvillimit në tregun postar si dhe përcaktimin e treguesve matës të sektorit postar.
8. Dokumenti është përgatitur në përputhje me kuadrin ligjor dhe nënligjor përkatës dhe ka marrë në konsideratë përvojën në vendet e BE dhe rajonit si dhe kushtet shqiptare në ofrimin e shërbimit postar.

P Ë R K Ë T O A R S Y E:

Duke marrë në konsideratë rëndësinë e miratimit të dokumentit të cituar me lart, bazuar në pikën 1 të nenin 10, të ligjit 46/2015,

V E N D O S:

1. Të miratojë dokumentat:
 - a) Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare;
 - b) Qëndrimi i AKEP mbi komentet e dërguara për dokumentin e nxjerrë në këshillim publik.
2. Ky Vendim dhe Dokumenti “Rregullore për të Dhënat Statistikore dhe Financiare Periodike mbi Shërbimet e Ofruara nga Ofruesit e Shërbimeve Postare”, të publikohen në faqen e internetit www.akep.al.

Ky vendim hyn në fuqi në datën e miratimit të tij.

K R Y E T A R

Piro XHIXHO

ANËTARË:

1. Alban KARAPICI
2. Anila DENAJ
3. Ketrin TOPÇIU
4. Klarina ALLUSHI